

NEQEROORTITSINERMI TUNNGAVISAQ

EQQANGASSALERINEQ



KOMMUNE QEQERTALIK QEQERTARSUAQ

INOQARFIK



Imarisai

1	Neqeroortitsinermut piumasaqaatit	3
2	Sullissinermut allaaserinninnerit	4
3	Suliakkerneqartup Kommunillu akornanni suleqatigiinneq	5
4	Akisussaafiit agguataarneri	6
5	Eqqaavilerinermi atortunut tunngatillugu	7
6	Kommune Qeqertaliup akiligassiisarnermi piumasaqaatai	7
7	Isumaqatigiisummik atorunnaarsitsineq immikkut pillugu	7



1 Neqeroortitsinermut piumasaqaatit

Suliami pineqarput Qeqertarsuarmi eqqaaviit imaarneqartartussatut nalunaarsorsimasut, taamatuttaaq eqqaaviit illoqarfiup iluaniittut tamanit atorneqartussatut naatsorsuussaasut.

1.1 Inatsisitigut tunngavissat:

Pisortat oqartussaaffigisaanni suliffeqarfiinilu nioqqutissanik kiffartuussinernilu pisiniarnermut tunngatillugu neqerooruteqartitsisarneq pillugu Inatsisartut inatsisaat nr. 6, 12. juni 2019-imeersoq

Avatangiisit innarlitsaaliorneqarnissaannik inatsisartut inatsisaat nr. 9, 22. November 2011-meersoq

Eqqakkat pillugit Namminersorlutik Oqartussat nalunaarutaat nr. 3, 7. januar 2021-meersoq

1.2 Neqeroortitsisoq:

Kommune Qeqertalik Qeqertarsuaq, Holten Møllerip Aqq. B-510, 3953 Qeqertarsuaq, qeqertarsuaq@qeqertalik.gl, 70 19 00.

Attaveqaat: Inoqarfimmi afdelingsleder, Najattaannguaq Mølgaard, naml@qeqertalik.gl, 70 19 00.

1.3 Neqeroortitseriaaseq:

Neqeroortitsisup allakkami matumani tamanut suliariumannittussarsiuussinertut pisussanngorlugu toqqarsimavaa, kingornagullu isumaqatiginninniarnissamut periarfissaqartillugu.

1.4 Isumaqatigiissutip sivilissusaa:

01.09.2021 – 31.08.2023

1.5 Neqeroortitsinermut tunngaviit:

Neqeroortitsinermi tunngavissatut allaatigisaq naapertorlugu sulineq ingerlanneqassaaq.

Allakkami matumani neqeroortitsinermut atugassat nassaassaasinnaasulluunniit Kalaallit Nunaanni, Nunanilu tamalaani inatsisit, peqqussutit, nalunaarutit, oqartussat piumasaqaatat malerugassallu il.il atuutsinneqartut.

Suliassat suliarineqarnerini, suliakkerneqartoq oqartussanik akuersissutinik pisarialinnik tamanik tamatigut peqartussaavoq.

Suliakkerneqartup piumasaqaatit, inatsisit maleruaqqusallu atuuttut ilisimaareqqinnaarnissaat qulakkiissavaa.



1.6 Neqerooruteqarnissamut piffissarititaq:

Neqeroorut kingusinnerpaamik attaveqaataasumut imaluunniit saaffiginnittarfimmut tunniunneqareersimassaaq:

Ataasinngorneq 23. august 2021, nal. 15:00

Neqeroornermi tunngavissaq immersugassarlu Kommune Qeqertaliup nittartagaatigut aaneqarsinnaavoq: www.qeqertalik.gl, imaluunniit saaffiginnittarfimmut saaffiginnikkut.

1.7 Neqeroorummut piumasaqaatit tunniussinerlu:

Neqeroorut kalaallisut imaluunniit danskisut allassimassaaq.

Neqeroornermi immersugassami suliasat piumasaqaatigineqartut tamakkiisumik naatsorsorneqarnerisa inernerat allanneqassaaq.

Neqeroornermi immersugassaaq immersoriarlugu allakkap puuanut ikineqassaaq, neqeroortup aqqa, najugaa attaveqaataalu allanneqassapput.

Allakkap puua nalunaaqutserneqassaaq ima: "Allagaatilerisumit ammarneqassanngilaq – Qeqertarsuarmi eqqaavilerineq".

1.8 Nangaaneq

Nangaaneq akuerineqarsinnaanngilaq

1.9 Neqeroorutitik ammaaneq:

Neqeroorutit Kommunep ataatsimiittarfiani, ulloq 23. august 2021 nal.15:15 ammarneqassapput. Neqeroortut ammaanermi peqataanissamut tikilluaqqusaapput.

1.10 Neqeroorummik toqqaaneq nalunaarutiginninnerlu:

Suliaqarnissamut piumasaqaatinik naammassinnissimanissaq piumasaqaataavoq.

Neqeroorut akilersinnaanerpaaq isumaqatigiissusiornissamut tunngavigineqassaaq, matumani pingaarnertut suliaqarnermut akigititaq pitsaassuserlu nalilersuutigineqassallutik.

Neqeroortitsinerup inenera neqeroortunut allakkatigut nalunaarutigineqassaaq.

Isumaqatigissuioorfissatut siunnerfigisaq aggersaammik nassinneqassaaq, oqaloqatigiinnerit aallartinnissaat naatsorsuutigineqassaaq sap.ak. 34-mi ingerlanneqassasoq.

Neqeroortitsisoq, matumani Kommune Qeqertalik, pisinnaatinneqarpoq neqeroorummik itingartitsisinnaalluni, inatsisit sukkulluunniit atuuttut tunngavigalugit.



2 Sullissinermut allaaserinnineq

2.1 Eqqaaviit imaarneqartartussatut nalunaarsorsimasut kiisalu eqqaaviit illoqarfimmiittut tamanit atorneqartussatut naatsorsuussat imaarneqartassapput

2.2 Eqqaaviit puussaat qanoq imaqartigineri apeqqutaatinngit inginneqartassapput.

2.3 Eqqaavilerineq pisassaaq: Ataasinngornermiit tallimanngorneq ilanngullugu, nal. 07:00 – 18:00 iluani.

2.4 Eqqaaviup puussaanik tunniussisarneq ikkussisarnerlu, aamma eqqaaviit matuisa matusarnissaat eqqaavilerisumit isumagineqartassaaq

2.5 Eqqaaviit katersorneqareeraangata eqqaavissuarmut Kommunip innersuussaanut isumannaatsumik ingikkiartorneqartassapput.

2.6 Nalliuttuni eqqaavilerineq nalliuttut qanillinerini pisassaaq, taakkulu qaangiunneranni ulluni nalinginnaasumik suliffiusuni siullermi aallarteqqinneqartassalluni.

2.7 Ingerlatsinermi akornutit annikinnerusut eqqangassalerinermik suliaqartumit toqqaannaq iliuuseqarfigineqartassapput, soorlu puussiat ajoqusersimappata, ingitsinngittoortoqarsimappat il.il. Eqqaaviit imaarneqartarnissaannut nalunaarsorsimasut eqqangassalerinermik sullissisumut toqqaannaq attaveqartassapput.

2.8 Ingerlatsinikkut unittoortoqartillugu sullissisoq pisussaavoq angallassissutitigut nammineq aningaasartuutigisassaminik iluarsisssuteqarnissamut, piaartumillu akornutaasoq pillugu Kommune Qeqertalik Qeqertarsuarmi attaveqaataasumut nalunaaruteqarluni.

2.9 Ingerlatsinikkut akunnakusoortoqartillugu, eqqaavinnik imaarsisarneq pilersaarutit malillugit ingerlanneqarsinnaatinnagu, eqqangassalerinermik suliaqartoq pisussaavoq, kingoraartissanik erngertumik atugassiissuteqarnissaminut, kiisalu Inoqarfimmi attaveqaataasumut saaffiginninnissaminut.

2.10 Suliffiup nalaani imigassartortoqannginnissaa imaluunniit aanngajaarniutinik atuisoqannginnissaa, piumasqaataavoq.

3 Suliakkerneqartup Kommunillu akornanni suleqatigiinneq

3.1 Tunngaviusumik suleqatigiinneq pillugu:

Eqqangassalerinermik suliakkerneqartup Kommunillu akornanni suleqatigiinneq pitsaasumik, ataqqeataqatigiiffiusumik ileqqorissaarnermillu tunngaveqartumik imaqartinneqassaaq

3.2 Sulianut tunngatillugu imaluunniit suleqatigiinnermi pitsanngorsagassaqartillugu oqaloqatigiinnikkut aaqqiissutissaq anguniarneqartassaaq.



4 Akisussaaffiit agguataarneri

Eqqangassalerinermik suliakkerneqartoq:

- 4.1** Eqqangassalerinermik suliaqartup qularnaassavaa sulisut nukillaarnermut – poliomut, noqartarnermut kiisalu tingulluummut Hepatitis A-mut aamma B-mut akiuussutissamik kapitissimanermut allagartaqarnissaat.
- 4.2** Sullissisup sulisui sulisoqarnikkut avatangiisit pillugit malittarisassanik malinnittussaapput, soorlu makkunuunatigit nammineq eqqiluisaarnissaq oqimaattulerisarnerillu pillugit.
- 4.3** Sullissisoq oqarasuaateqassaaq/mobileqassaaq, taamaalilluni Kommune Qeqertalik, atuisuusullu sulinerup nalaani sullissisumut attaveqarsinnaaqullugit
- 4.4** Pissutsit suliasaqarfiup iluanut tunngassutillit pingaaruteqarsinnaasut tamaasa sullissisup Inoqarfimmut nalunaarutigisassuai
- 4.5** Sullissisoq nammineq pisuulluni allat pigisaanik imaluunniit kommunip illuutaanik atortuinilluunniit il. il. ajoqusiissagaluaruni, ajoquserneqartut iluarsaanneqarneri sullissisup nammineq aningaasartuutigissavai
- 4.6** Kukkusoqarsimatillugu amigaateqartoqartilluguluunniit sullissisoq Qeqertarsuarmi Inoqarfimmut nalunaaruteqartassaaq, pisariaqartutullu nalilerneqarpat atuisunut nalunaaruteqartoqartassaaq.
- 4.7** Sulisut akissarsiaat sulinngiffeqarnerisutisiassat (feriepenge) ilanngullugit kiisalu sillimmasiissutit assigiinngitsut eqqangassanik suliaqartumit akilerneqartassapput. Sullissisup inatsisitigit pisussaaffeqarnini malillugu sulisunut sillimmasiissusiussaaq. Sullissisup pisussaaffigaa nammineq sulisumilu akiuussutissamik kapitinnissartik tamannalu pillugu napparsimavimmut attaveqarnissani.

Kommune:

- 4.8** Kommuni nammineerluni eqqaaviup puussaanik pisisassaaq. Sullissisup kiisalu Inoqarfiup akornanni allamik isumaqatigiissuteqartoqarsimatinnagu.
- 4.9** Imaartittartut qaammatit tamaasa nalunaarsorneqartassapput, qasseriarlutik imaarneqarnerisut kiisalu illut B-normui tamaasa, najugaqartullu/paaqqinnittarfiit aqqisa allattorneqarneri ilanngullugit paasissutissiissutigalugit. Nalunaarsukkat taakkua Kommune Qeqertalik Qeqertarsuarmi Inoqarfimmut nalunaarutigineqartassapput.
- 4.10** Imaarsisarnerit amerlassusaat allannguuteqartillugit imaluunniit kiffartuunneqarnermik taamaatitsinerit imaartittalernissamilluunniit nalunaaruteqartoqartillugu tamanna Kommune Qeqertaliup sullissisumut nalunaarutigisassaavaa.
- 4.11** Kiffartuussinermut allattorsimaffimmik nutarterineq sullissisup kiisalu Inoqarfimmi pisortat akornanni isumaqatigiissuteqarnikkut pisassaaq.
- 4.12** Piffissap suliffiusartup nalinginnaasup iluani Kommune Qeqertalimmi attaveqaataasoq oqarasuaatikku **70 19 00** aqcutigalugu attavigineqarsinnaavoq. Suliffiup nalinginnaasup avataatigit attaveqarfissat qanoq pissarsiarineqarsinnaanersut pillugit ingerlatsinermut akisussaasuusoq, tamatumuuna isumaqatigiissuteqarfigineqartassaaq.



Eqqaaviit imaartittarnissaannik nalunaarsorsimasut:

4.13 Ingerlatsinermi akornutit annikinnerusut toqqaannaq eqqangassalerinermik suliaqartumut nalunaarutigineqartassapput.

4.14 Aputaajaasarneq, aserfallatsaaliineq eqqaaviillu toqqaviinik pisinissaq illumik piginnittup attartortulluunniit isumagisassarai. Eqqaaviit ajoquteqartillugit iluamilluunniit passunneqarsimatinnagit eqqaavilerinermut ajoqutaasumik, tamanna allakkatigut sullissisumit illuutilimmut/attartortumulluunniit nalunaarutigineqartassaaq.

5 Eqqaavilerinermi atortunut tunngatillugu

5.1 Illoqarfimmi eqqagassanik sullissinermi atortut suliakkerneqartumit namminermit pigineqassapput, taamaallaat eqqaaviit puussiartassaat Kommunemit inniminnerneqartassapput

5.2 Assartuutitut atugassat sullissisup nammineerluni pissarsiarissavai. Sullissisup biliinik ingerlatsinermut aserfallatsaaliinermullu aningaasartuutai Kommune Qeqertalimmut attuumassuteqassanngillat.

5.3 Eqqaavilerinermi biilit atorineqartut suliamut naleqquttuussapput.

Biilit pisuinnarnut angallassissutinullu allanut uloriarnartorsiortitsissanngillat, eqqakkallu katatat sapinngisamik minnerpaaffissaaniitneqassallutik. Sulinermi biilit atugassat, Inoqarfimmit akuerisaassapput.

6 Kommune Qeqertaliup akiligassiisarnermi piumasaqaatai

6.1 Atuisunut akiligassaliortarneq Kommune Qeqertalimmit isumagineqartassaaq.

Allatsissimasut allannguutaat aamma kiffartuussinermik taamaatitsisut allatsittullu Kommune Qeqertalimmit isumagineqartassapput.

6.2 Eqqangassalerinermik suliaqartoq piffissaalluartillugu Kommune Qeqertalimmut suliaqarnermut akiligassamik (fakturamik) nassiussisassooq.

6.3 Kommune Qeqertalik akiliutissanik siumoortumik tunniunneqartartussatut isumaqatigiissutaasunik eqqangassalerinermi suliaqartumut qaammatikkaartumik kingumoortumik akiliisassaaq.

7 Isumaqatigiissummik atorunnaarsitsineq immikkut pillugu

7.1 Isumaqatigiissuteqartut akunnerminni isumaqatigiinngissuteqalissagaluarunik imaluunniit suleqatigiinnermik ajornartorsiuteqalissagaluarunik, oqaloqatigiinnikkut aaqqiissuteqarnissaq anguneqartassaaq.

7.2 Sullissinissamik isumaqatigiissusiaq illuatungeriit arlaannit qaammatit pingasut siumut ilisimatitsilluni taamaatinneqarsinnaavoq.

7.3 Sullissinissamik isumaqatigiissummik sumiginnaasoqassagaluarpat isumaqatigiissut Kommune Qeqertalimmit ingerlaannartumik atuutilersumik atorunnaarsinneqarsinnaavoq.



Ilanngussat allattorsimaffiat

Ilanngussaq 1 Neqeroornermi allattuivik

Ilanngussaq 2 Suliat amerlassusaat

Ilanngussaq 3 Atuisunut nalunaarut